

雪  
堂  
叢  
刻

元和姓纂校勘記敘

姓氏之學六朝爲極盛隋書經籍志唐書藝文志謹諫圖狀之屬箸錄者凡數十家宋元而後斯學逾微遺書亦日就淪佚如世本風俗通義等書久無完帙惟唐林寶元和姓纂最後亡明成祖撰永樂大典尙詳引其書知明初尙存也陽湖孫季逵先生刺取大典及諸書所引比緝復爲十卷於姓氏之學真有興滅繼絕之功林氏書徵引綦博而舛誤不少孫氏輯錄采自類書亦不免亥豕之譌蓋林氏之成書也以二十句季逵先生之校錄也以二句亟於成事致多舛舛玉以光緒壬辰從事校勘牽於人事匝歲始成勦勘記二卷又采諸書所徵引而孫本失

采者別爲佚文一卷附焉玉學殖荒落疏漏之虞仍復不免尙  
冀通人拾遺正誤孫先生校輯此書其自序曰猶有漏略當  
俟來者玉之志猶孫先生志也上虞羅振玉記

元和姓纂校勘記卷上

上虞羅振玉

李

大業生女莘女莘生咎絲 振玉案女莘新唐書宗室世系表

作女華

老君名耳字伯陽居苦縣賴鄉曲仁里曾孫曇生二子崇璣

振玉案世系表作耳裔孫洪洪曾孫曇曇四子崇辨昭璣與

此不合

一東

馮

穎川 後漢征西大將軍夏陽侯馮異 振玉案宋鄧名世古

今姓氏書辨證引出穎川者漢左將軍奉世之後與今本不

合

長樂信郡 振玉案信郡當作信都

弘生朗生姬姬女弟魏文成皇后原校北史馮熙文明太后之

兄父朗此文內姬字疑係熙字之誤 振玉案原校是也魏

書馮熙傳文明皇后之兄也祖文通父朗

彤

尚書彤伯周同姓爲氏成王宗伯 振玉案古今姓氏書辨證

引彤本彤氏周卿士彤伯之後裔孫避難改焉與今本不合

東里

曹瞞有南陽太守東里昆 振玉案廣韻東注曹瞞傳有南陽

太守東里昆此奪傳字

東陽

又宋員外郎東陽元疑 振玉案元當作无

公孫

遼東 後魏廣州刺史因安子公孫表 振玉案因安子當從

魏書公孫表傳改固安子

上谷 晉有隱者公孫風 振玉案風當作鳳晉書有傳字子

鸞

桐里

漢御史中謁者桐里斤 振玉案斤古今姓氏書辨證引作斤

三鍾

鍾

昧中子樓 振玉案樓唐書宰相世系表作接

穎川 五代孫韜 振玉案韜梁書鍾嶸傳及唐書世系表作

蹈

嶼撰華林編畧 振玉案華林編畧乃天監十五年勅羣臣撰

嶼乃羣臣之一非嶼一人作又編畧梁書作徧略

屹撰良吏傳十卷生寵 振玉案良吏傳梁書嶸傳作良史傳

南史作良吏傳又唐書世系表嶼生寵此作岷生寵未知孰是

南康 紹京中書令戶部尙書越國公緜蜀彭州刺史生嘉羣  
諤羣 振玉案唐書世系表作紹京子嘉璧嘉諤嘉偉

封

渤海蓀縣 亮生敖原校唐世系表敖生望卿此脫 振玉案

原校甚誤考舊史敖傳敖爲元和十年進士此書成於元和  
七年望卿更後於敖姓纂本不得有其名非脫漏也

君義聘梁副使五兵尙書生淑洵 振玉案北齊書封述傳字  
君義述弟詢此以詢爲述子未知孰是



四江

江

濟南考城 麤晉譙郡太守亢父男生湛 振玉案據宋書江

夷江湛傳湛乃江夷子非麤子也麤子祚孫統曾孫霽愔霽  
子散孫恒夷見晉書江統傳此奪誤之甚

龐

代郡 龐雅生風風生晃 振玉案隋書龐晃傳父虬此作風

譌

生相壽 振玉案晃傳子長壽不作相壽

六脂

伊

河南 後魏有伊婁猷 振玉案伊猷魏書有傳不作伊婁猷

伊婁

伊婁信生伊婁公公生彥恭 振玉案隋書伊婁謙傳字彥恭

祖信父靈周書伊婁穆傳亦作父靈此誤

七之

怡

後魏有怡寬遼西人生峰 振玉案周書怡峯傳高祖寬曾祖

文此誤

生昂都公光清河公 振玉案都周書靜帝紀作鄴怡峰傳作

鄭清河公峰傳作龍河公

狸

左傳八元季狸之後 振玉案古今姓氏書辨證引此下有以

王父字爲氏六字今本奪當據補

司馬

河內溫縣 馘七代孫楚之 振玉案魏書司馬楚之傳作馘

八代孫

楚之卽彭城王權六代孫也 振玉案權晉書本傳作權

雲中 司馬子如稱晉南陽王模七代孫也兄子瑞 振玉案

北齊書司馬子如傳作弟子瑞

八微

韋

京兆杜陵 夔生康 振玉案康當作世康此避唐太宗諱省

世字

洸恭原校恭唐世系表作瓘 振玉案唐表瓘字世恭表書其

名此書其字非有異也

生形或晏宣敏 振玉案或唐書世系表作彧

冲隋戶部尙書義豐公聘陳 振玉案義豐公隋書韋世康傳

作義豐侯又聘陳下奪使字當補

約隋儀同觀城公 振玉案約當作世約此避諱省世字

次子郎國公裕字孝寬 振玉案裕周書本傳作叔裕此奪叔

字

生總壽霽津靜原校郎襄國公六子唐世系表尙有諶一人此

脫 振玉案周書韋孝寬傳亦作長子諶

光弼生薦 振玉案薦唐書世系表作廡

生寧巒義節 振玉案寧巒唐表及隋書韋世康傳作保巒

千里生昂 振玉案據唐世系表千里名昂以字行此生昂疑

字昂之誤

抱真生綆政 振玉案綆唐表作鯁

五代孫關原校唐世系表關作闕 振玉案魏書本傳亦作闕

範生法雋 振玉案法雋魏書作雋

邕彭城公房生澄淹原校唐世系表東眷韋氏穆曾孫楷哥長

樂清河二郡守生達又曰鴻胄二子澄淹因號彭城公房

振玉案唐表楷生達原校誤書達作達又鴻胄二子澄淹生

雲起封彭城公因號彭城公房原校亦未詳

慶嗣生正紀 振玉案正紀唐表作正已

生璠珣珽頊 振玉案璠唐表作璠

師寶虞部郎中 振玉案師寶唐表作師寶

生誕果州刺史 振玉案誕唐表作證

議生弘慶弘度弘表弘素 振玉案唐表作議生仁仁生弘慶

弘度弘表弘素

襄陽 孚右司員外 振玉案右唐表作左

生逢士樸原校唐世系表士樸作士樸 振玉案唐表作士樸

與此正同原校誤

京兆諸房韋氏 叔昂右司郎中 振玉案右唐表作左

九魚

徐

東海鄆州 祚之生飲之美之原校唐世系表美之作羨之

振玉案作羨之是宋書本傳正作羨之

欽之生達之 振玉案宋書徐湛之傳作達之

湛之司徒生聿之原校唐世系表湛之二子恆之聿之恆之生  
孝嗣此聿之下脫去恆之恆之生五字 振玉案宋書徐湛  
之傳湛之三子聿之謙之恆之聿之生孝嗣與唐表亦不合  
君游生澄原校唐世系表澄作澈 振玉案唐表作澈一名澄  
生蛟光祿少卿安定太守生濤 振玉案蛟唐世系表作毅濤  
唐表作壽

元孫融南昌令 振玉案元孫二字疑衍文否則元孫二字上  
有奪字又南昌令梁書徐勉傳作南昌相

生山松悱矩 振玉案梁書徐勉傳長子崧次子悱此作山松

疑誤



諸葛

諸葛銓居丹陽生穎 振玉案隋書穎傳祖銓父規此脫規一

代

穎生會 振玉案隋書穎傳作子嘉會

十虞

虞

河南 天恩生會尙書生提 振玉案周書于謹傳曾祖婆祖

安定父提與此不合

生寔翼義智紹弼簡原校唐世系表燕文公九子寔翼義智紹  
弼簡禮廣此缺二人 振玉案智周書于謹傳作智初簡謹